

Credenza

Aghju credutu di vede per nantu à lu stradone
In lu ventu chì curria a stampa di un strigone
Si hè incesu in la mio mente un timore anticone

Aghju credutu di sente in la corsa di lu fiume
A voce di lu mazzeru po si hè persa indù le schjume
Mi hè parsu nantu à l'acqua vede spaghjesi un lume

Ci sò gattivi sughjetti sempre pronti à annuchja
Sè la disgrazia vi tocca l'ochju fate vi lu signà
Ci sò le ghjasteme perse sempre pronte à ammazzà

Mi pare chì la natura hè tracarca di parole
Le magie di l'antichi sò sicuru nun sò fole
Ci sò le forze suprane in la notte o a lu sole